



Iruñeko Udalaren 2015eko Memoria

Politika- eta administrazio-antolamendua

Espainiako Konstituzioak *Estatuaren Lurralde Antolamendua* VIII. Tituluko hiru artikulua eskaintzen dizkio toki-administrazioari. 137. artikulua dio Estatua udalerriez, probintziez eta eratuko diren autonomia-erkidegoez osaturik dagoela. 140. artikulua, bere aldetik, udalerrien autonomia bermatzen du, eta udalerriek nortasun juridiko osoa izanen dute. Haien gobernu eta administrazioa udalbatzei dagozkie. Udalbatzak alkateak eta zinegotziak osatzen dituzte. Zinegotziak auzokideek hautatuko dituzte, bozketa orokor, berdin, aske, zuzeneko eta isilpekoaren bidez, eta zinegotziak hautatuko dute alkatea. Konstituzioak, halaber, dio toki-ogasunak behar adina baliabide izan beharko dutela legeak esleitzen dizkien eginkizun guztiak betetzeko, eta baliabide horiek, nagusiki, beren tributua propioak izanez eta Estatuarenetan nahiz Autonomia Erkidegoenetan parte hartuz bilduko dituztela.

Hainbat arauen bidez garatu da toki-administrazioei dagokien legeria. Batetik, autonomia mailako arauak izan da (Nafarroako Toki Administrazioari buruzko 6/1990 Foru Legea, Nafarroako Toki Ogasunari buruzko 2/1995 Foru Legea eta Nafarroako toki-araubidea gaurkotzeko 11/2004 Legea), eta bestetik, nazio mailako araudia (Toki Araubidearen Oinarriak Arautzeko 7/1985 Legea, Herri Administrazioen Araubide Juridikoaren eta Administrazio Prozedura Erkidearen 30/1992 Legea eta Toki-gobernuaren modernizatzeko neurriak buruzko 57/2003 Legea). Azken testu horren X. Titulua halako biztanle kopuru jakin batetik gorako udalerrien antolaketa buruzkoa da eta udal-organoen jarduna zehazten du.

Osoko Bilkura alkateak eta zinegotziak osatzen dute, eta herritarren ordezkari politiko gorena duen organoa da udal-gobernuari dagokionez. Alkateak egiten du osoko bilkurarako deia eta bertan buru jardungo du, salbu Legeak aurreikusten duen kasuetan. Alkateak, egokitzat jotzen duenean, zinegotziak bat eskuordetzen ahalko du osoko bilkuraren deia egiteko eta bertan buru aritzeko. Osoko Bilkurak bere erregelamendua egiten du, izaera organikoa izanen duena, eta idazkari nagusi bat izanen du.

Indarrean dagoen araudiaren arabera, hona hemen besteak beste Osoko Bilkuraren eskumenak: gobernu-organoren kontrolatzea eta fiskalizatzea, izaera organikoko erregelamenduak onetsi eta aldatzea, udal-ordenantza eta -erregelamenduak onetsi eta aldatzea, tributua-izaerako baliabide propioak zehaztea, bere eginkizunak edo jarduerak beste herri-administrazio batzuei eskualdatzea edota plangintza orokorrari hasierako onarpena ematea.

Alkateak du udalerriaren ordezkari politikoa eta kudeaketa politikoaren erantzule da Osoko Bilkuraren aurrean. Alkateak, besteak beste, eginkizun hauek ditu: Udalaren ordezkari izatea, Udalerriko politika, gobernu eta administrazioa zuzentzea; Osoko Bilkurarako eta Tokiko Gobernu Batzarraren bilkurarako deia egin eta bertan buru izatea; Udal-administrazioaren zerbitzura dauden langileen

goi-zuzendaritza betetzea eta Udaltzaingoaren buruzagitza betetzea; Udaleko organo betearazleen erabakiak argitaratzeko agintzea, eta erabakiok bete eta betearaztea; bandoak, dekretuak eta jarraibideak ematea; kasu berezi eta oso presakoetan beharrezkoak eta egokiak diren neurriak hartzea, eta Osoko Bilkurari jakinaraztea; eta Udal-administrazio betearazlearen antolakuntza eta egitura ezartzea Osoko Bilkurak udal-antolakuntzaren gainean egotzita dituen eskumenen aurka joan gabe.

Tokiko Gobernu Batzarrak, alkatearen lehendakaritzapean, alkateari dagokion zuzendaritza politikoan laguntzen dio kide anitzeko organo moduan. Alkateari dagokio Tokiko Gobernu Batzarreko kideak askatasunez izendatzea eta kargutik kentzea; kideon kopurua ezin da izan Osoko Bilkurako kideen legeko kopuruaren herenetik gorakoa, alkateaz gain. Tokiko Gobernu Batzarrak bere kudeaketaren erantzukizun politikoa du solidarioki Osoko Bilkuraren aurrean, bertako kide bakoitzak bere kudeaketaz duen zuzeneko erantzukizuna alde batera utzi gabe. Eztabaidak isilpean gorde behar dira.

Tokiko Gobernu Batzarrari hauek dagozkio, besteak beste: ordenantzen eta erregelamenduen proiektuak onartzea, organikoak barne, Osoko Bilkura eta bertako batzordeak arautzeko arauak salbuespen direla; aurrekontu-proiektua onartzea; hirigintza-antolamenduko tresnen proiektuak onartzea, horien behin betiko zein behin-behineko onarpena Osoko Bilkurari dagozkionean; edozein lizentzia-mota ematea, arloko legediak berariaz beste organoren bati egotzitakoa ez bada; kontratazioak eta emakidak; ondarea kudeatu, eskuratu eta besterentzea, eta kreditu-eragiketak ituntzea ere; lanpostuen zerrenda eta langile-ordainsariak onestea: edo udal-administrazioiko zuzendaritza-organotako titularrak izendatzea eta kentzea.

Osoko Bilkurak **batzordeak** izanen ditu, talde politiko bakoitzak dituen zinegotzi kopuruaren arabera izendatzen dituen kideez osatuak. Batzordeei eginkizun hauek dagozkie: Osoko Bilkuraren erabakira jarri behar diren gaien azterketa, txostena zein kontsulta; Alkatearen eta haren gobernu-taldearen kudeaketaren jarraipena, eta legearekin bat Osoko Bilkurak eskuordetzan emandakoak. Batzordeak iraunkorrak eta bereziak izan daitezke. Iruñeko Udalak batzorde iraunkor hauek ditu: Lehendakaritza, Herritarren Aferak eta Hirigintza. Eta batzorde berezi hauek deitzen ditu: Kontuak, Kontratazioak zaintzekoa, eta Iradokizunak eta Erreklamazioak.

Udalaren beste organo bat **Bozeramaileen Batzordea** da, alkateaz, udal-talde politikoetako bozeramaileez eta ezein udal-talderi atxikita ez dauden zinegotziez osatuta. Haren bilkurek eztabaidatzeko izaera izanen dute. Eginkizun hauek ditu: alkateak ematen edo agertzen dizkien informazioak eta kontsultak oro zinegotzi guztien artean zabaltzea; udal-talde politikoen eta zinegotzi atxiki gabeen eskari guztiak bideratzea, eta Udalaren Osoko Bilkuretan zenbat parte-hartze egonen diren eta horiek zenbat iraun behar duten erabaki eta alkateari proposatzea.

Osoko Bilkuraren Erregelamendu Organiko berria

Udalak Osoko Bilkuraren Erregelamendu Organikoa onetsi zuen 2015ean, bere antolamendua eta funtzionamendua arautuko dituen, baita Zinegotzien Estatutua ere. Berrikuntza hauek ditu, besteak beste: talde mistoa sartzea eta definitzea; zinegotziek botoa beste baten esku uzteko aukera kasu jakin batzuetan; aurrekontu-proiektuaren eztabaida arautzea; eta batzorde informatiboak publikoak izatea puntu jakin batzuetan.

Osoko Bilkuraren Erregelamendu Organikoak zioen azalpena, zortzi titulu, 120 artikulua, 5 xedapen gehigarri eta xedapen indargabetzaile bat ditu. Horrez gain, Tokiko Gobernua Modernizatzeko Neurriei

buruzko 57/2003 Legeak egin zituen aldaketak biltzen ditu. Aldaketok Nafarroan ere gehitu dira, 11/2004 Foru Legearen bidez. Erregelamendu berriak 1998ko maiatzaren 16an onetsitakoa ordeztzen du.

I. Tituluak erregelamenduaren xedapen orokorrak eta xedea jasotzen ditu. Xedea hauxe da: “Udaleko Osoko Bilkuraren antolamendua eta funtzionamendua zein Zinegotzien Estatutua ezartzea”. Zinegotzien Estatutua II. Tituluan jasotzen da, eta bertan eransten ditu lege-berrikuntzak atxiki gabeko kideei eta talde politikoetara sartzeari buruz, eta Talde Mistoaren eraketa ere zedarritzen du. III., IV. eta V. tituluetan Osoko Bilkuraren antolamendua eta funtzionamendua daude jasota, non erantsi baitira Bozeramaileen Batzarraren erregimen berria eta Osoko Bilkuraren izaera *parlamentarioari* dagozkion mekanismoak, bai eta administrazio-egintzak onesteko prozedura ere. VI. Tituluak arauak onesteko prozedura arautzen du, Aurrekontuen Proiektua barne, VII. Tituluak arreta jartzen die batzordeetan dauden aukera berriak, eta VIII. Tituluan jasota gelditu dira kontrol-, sustapen- eta informazio-erak, non hainbat modalitate eransten baitira, hala nola adierazpenak, udal-politikari buruzko eztabaidak, zentsuramozioa eta konfiantza-arazoa.

